

წინამდებარე ხელშეკრულება დაიდო 2017 წლის „21“ აგვისტოს ქ.თბილისში

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თაგმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა შესაბამისად სსიპ ეროვნული სატყეო სააგენტოს მიერ სახელმწიფო შესყიდვის განხორციელების მიზნით, საკუთარი სახსრებით, ელექტრონული ტენდერის საშუალებით, („სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად, ასევე, საქართველოს მთავრობის 2017 წლის 09 თებერვლის №219 და 2017 წლის 27 ივლისის №1597 განკარგულებების საფუძველზე) (SPA 170010435) (CPV – 77210000).
ერთის მხრივ სსიპ ეროვნული სატყეო სააგენტო (შემდგომში შემსყიდველი) სააგენტოს უფროსის მოადგილის ირაკლი გოდუაძის სახით. მისამართი: ქ.თბილისი, გ. გუღუას ქ. № 6. ს/კ 204578581. ტელ: 2753910. საბანკო რეკვიზიტები: ცენტრალური ხაზინა, კოდი TRESGE22, ა/ა GE24NB0330100200165022. (საკუთარი სახსრები, კოდი: 0403) ხოლო მეორეს მხრივ შ.პ.ს. „ეკოპროექტი“ (შემდგომში მიმწოდებელი) მისი დირექტორის ვიქტორ დვალის სახით. ს/კ 231248469. მისამართი: საქართველო, თელავი, სოფელი ფშაველი. ტელ: 599194540. საბანკო რეკვიზიტები: ს.ს. „ბანკი ქართუ“, ბანკის კოდი CRTUGE22, ა/ა GE16CR0000000000343616. ვლებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ დანართთან ერთად.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება ელექტრონულ ტენდერში და ახორციელებს მომსახურების მიწოდებას ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 ხელშეკრულების საგანი: კახეთის რეგიონში, სავარაუდოდ (საორიენტაციოდ) 289,78 მ³ ფოთლოვანი სახეობის ხე-ტყის/მერქნული რესურსის (წიფელი) დამზადების მომსახურების გაწევა (შემდგომში მომსახურება) ამ ხელშეკრულების პირობებისა და ამავე ხელშეკრულების დანართ №1-ში მითითებული ტექნიკური დავალების შესაბამისად, რომელიც თან ერთვის ხელშეკრულებას და რომელიც წარმოადგენს ხელშეკრულების განუყოფელ ნაწილს.

3. მომსახურების ღირებულება

3.1 მთლიანი სახელშეკრულებო თანხა შეადგენს 19823,8498 (ცხრამეტი ათას რვაასოცდასამი ლარი და 84,98 თეთრი) ლარს, დღგ-ს ჩათვლით.

3.2 ერთი მ³ ზეშემდგომი ხე-ტყის დამზადების, შემსყიდველის მიერ მითითებულ ადგილზე ტრანსპორტირების და დასაწყობების მომსახურების ღირებულება შეადგენს 68,41 (სამოცდარვა ლარი და ორმოცდაერთი თეთრი) ლარს, დღგ-ს ჩათვლით.

4. მომსახურების მიღება-ჩაბარება

- 4.1 მომსახურების მიღება წარმოებს ეტაპობრივად, მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, კონტროლის განმახორციელებელი ჯგუფის წევრების მხოლოდ დადებითი დასკვნის საფუძველზე.
- 4.2 მომსახურება და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულების დასრულებისთანავე მიმწოდებელი შემსყიდველს წარუდგენს წერილს, ხოლო წერილის მიღებიდან გონივრულ ვადაში შემსყიდველის წარმომადგენლები (კონტროლის განმახორციელებელი ჯგუფის წევრები) განიხილავენ წერილში დაფიქსირებული მომსახურებისა და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულების შესაბამისობას ხელშეკრულებით დადგენილთან.
- 4.3 იმ შემთხვევაში თუ, მომსახურება და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება შესაბამისადაა ხელშეკრულებით გათვალისწინებულ მოთხოვნებს, ხელშეკრულებით განსაზღვრული პირი კონტროლის განმახორციელებელი ჯგუფის წევრების მიერ დადებითი დასკვნის მომზადების დღესვე ახორციელებს მომსახურების მიღებას, ხოლო თუ, გამოვლინდება, რომ მომსახურება და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს ნაკლოვანი მომსახურება.
- 4.4 იმ შემთხვევაში თუ ხელშეკრულების 4.3 პუნქტის საფუძველზე არ განხორციელდა მომსახურების მიღება, მიმწოდებელს ახალი უნაკლო მომსახურების მიწოდებამდე დაეკისრება პირგასამტეხლო ხელშეკრულების მე-11 მუხლით გათვალისწინებული პირობების შესაბამისად.
- 4.5 მომსახურების მიღების დაწინააღმდეგე საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 4.6 შემსყიდველი ვალდებულია წერილობითი სახით, აცნობოს მიმწოდებელს საბოლოო შემოწმების შედეგები დაწინააღმდეგე მომსახურების რაოდენობის და წუნდების მიზეზის მითითებით.
- 4.7 მომსახურება ჩაითვლება მიღებულად მიღება-ჩაბარების აქტზე შემსყიდველის მხრიდან ხელმოწერის შემდეგ. მიღება-ჩაბარების აქტზე შემსყიდველის მხრიდან ხელმოწერის იქნება სსიპ ეროვნული სატყეო სააგენტოს კახეთის სატყეო სამსახურის უფროსი.

5. მომსახურების განხორციელების ვადები და ადგილი

- 5.1 მომსახურება (ხე-ტყის დამზადება) და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება სრულად უნდა განხორციელდეს ხელშეკრულების გაფორმებიდან 2017 წლის 01 დეკემბრამდე.
- 5.2 მომსახურება უნდა განხორციელდეს კახეთის სატყეო სამსახურის თელავი-ახმეტის სატყეო უბანში, ფშავლის სატყეოში, 34-ე კვარტლის 1-ელ ლიტერში. (ტყეკაფის №009-10-0023501).

6. მხარეთა უფლება-მოვალეობანი

- 6.1 მიმწოდებელი ვალდებულია დროულად და ხარისხიანად განხორციელოს მომსახურება შემდეგი პირობების გათვალისწინებით:
- 6.1.1 ზეზემდგომი ხის ჭრა: სამუშაო ადგილის მომზადება (ხის ირგვლივ ადგილის გასუფთავება ქვეტყისგან, ამონაყრების, ეკალ-ბარდების და ბუნებრივი ნაყრისაგან). ხის ჭრა და განსაზღვრული მიმართულებით წაქცევა;
- 6.1.2 მაქსიმალურად 5 ან 6 მეტრის სიგრძის მრგვალი ხე-ტყის მორის მიღების მიზნით შოლტების დამორვა ბენზოხერხით: ძირზე დარჩენილი ღეროს ნაწილის მოჭრა-შესწორება, შოლტზე გადასატრეული ადგილის მონიშვნა და მოჭრა;
- 6.1.3 შოლტების თრევა ტრაქტორით ტყეკაფზე;
- 6.1.4 ხე-ტყის დახარისხება და დაშტაბელება ზედა საწყობში, რაც მოიცავს შოლტის მიგორებას, დახარისხებას სიგრძის და ხარისხის მიხედვით, გადაჭრას სატრანსპორტო საშუალებებზე დასატვირთად, გადაჭრილი მორების ხელმოწერა დახარისხებას სიგრძისა და ხარისხის მიხედვით;
- 6.1.5 ხე-ტყის დატვირთვა ტრანსპორტზე, ტრანსპორტირება ხე-ტყის საბოლოო დასაწყობების ადგილამდე და გადმოტვირთვა; ტყეკაფამდე მისასვლელი სატყეო სამეურნეო გზა გაყვანილია, საშუალო მანძილი ტყეკაფიდან დამზადებული ხე-ტყის დასაწყობების ადგილამდე არის დაახლოებით 11-12 კმ (თელავი-ახმეტის სატყეო უბნის ფშავლის სატყეოს კვ.96-ის ლიტერ №8-ის მიმდებარედ);
- 6.1.6 მიმწოდებელმა მოჭრილი-დამზადებული მერქნული რესურსი უნდა დაასაწყობოს სააგენტოს ან ხელშეკრულების ფარგლებში შექმნილი ხელშეკრულების პირობების შესრულებაზე კონტროლის განმახორციელებელი ჯგუფის მიერ მითითებულ ადგილას;
- 6.1.7 მიმწოდებელმა მოჭრილი-დამზადებული მერქნული რესურსი, ხე-ტყის საბოლოო დასაწყობების ადგილზე ხელშეკრულების პირობების შესრულებაზე კონტროლის განმახორციელებელი ჯგუფის მითითების მიხედვით დაალაგოს შტაბელებათ.
- 6.1.8 მომსახურების გაწევის პერიოდში, საჭიროების შემთხვევაში, სსიპ ეროვნულ სატყეო სააგენტოსთან ან/და სააგენტოს ტეროტორიულ ორგანოსთან შეთანხმებით უნდა უზრუნველყოს ტყეკაფამდე მისასვლელი სატყეო-სამეურნეო გზების მოვლა ან/და რეაბილიტაცია (გზის მუდმივად გამართულ მდგომარეობაში ყოფნა);
- 6.1.9 მიმწოდებელმა უნდა მოჭრას და დაამზადოს მხოლოდ სსიპ ეროვნული სატყეო სააგენტოს მიერ ჭრაში დანიშნული ხეები;
- 6.1.10 ტყეკაფზე ხე-ტყის დამზადების შედეგად მიღებული ნარჩენები განათავსოს კანონმდებლობის შესაბამისად.
- 6.2 მიმწოდებელმა მომსახურება უნდა განახორციელოს არანაკლებ 1 (ერთი) სამუშაო ჯგუფით. თითოეული ჯგუფი უნდა შედგებოდეს არანაკლებ 6 ადამიანისაგან, მათ შორის 1 (ერთი) დიპლომირებული მეტყევე სპეციალისტი; თითოეულ ჯგუფში უნდა იყოს არანაკლებ 2 (ორი) მაღალი გამავლობის სატვირთო ავტომანქანა მორების საბოლოო დასაწყობების ადგილზე გამოსაზიდად; თითოეულ ჯგუფში უნდა იყოს არანაკლებ 1 (ერთი) სპეც/ტექნიკა (მუხლმუხობიანი ან/და ბორბლებიანი სპეციალური მორმთრევი ან სხვა სპეციალური ტექნიკა, რომლებიც თავისი აღჭურვილობითა და მონაცემებით განკუთვნილია მორების გამოსათრევად მცირე და შორი მანძილიდან) მორების გამოსათრევად; თითოეულ ჯგუფში უნდა იყოს არანაკლებ 1 (ერთი) სპეც/ტექნიკა (ბუდღოზერი ან სხვა სპეც/ტექნიკა) სატყეო სამეურნეო გზების მოვლისათვის (გაწმენდა და ა.შ.) ან/და რეაბილიტაციისათვის; თითოეულ ჯგუფში უნდა იყოს არანაკლებ 2 (ორი) ცალი ბენზოხერხი.
- 6.3 მომსახურების გაწევისას მიმწოდებელმა უნდა დაიცვას საქართველოს კანონმდებლობით (მ.შ. უსაფრთხოების ნორმები) დადგენილი მოთხოვნები. მიმწოდებლის მხრიდან უსაფრთხოების ნორმების დარღვევის შემთხვევაში მიმწოდებელი სრულად თავად აგებს პასუხს დამდგარ შედეგზე. კანონმდებლობით გათვალისწინებული პროცედურების დარღვევების შემთხვევაში, დაუყოვნებლივ აცნობოს სსიპ ეროვნულ სატყეო სააგენტოს.
- 6.4 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.
- 6.5 შემსყიდველი უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება.
- 6.6 წარმოდგენილი დასამზადებელი მერქნული რესურსი საორიენტაციო ხასიათისაა და (მათ შორის: საქართველოს მთავრობის 2010 წლის 20 აგვისტოს 242 დადგენილების მე-12 მუხლის მე-4 პუნქტის მოთხოვნების გათვალისწინებითაც) შემსყიდველი უფლებამოსილია არ განახორციელოს მომსახურების შესყიდვა სრული რაოდენობით.

7. გარანტია

- 7.1 მიმწოდებელი იძლევა გარანტიას, რომ განხორციელებული მომსახურება იქნება ხარისხიანი და შეესაბამება ხელშეკრულების მოთხოვნებს.

8. ანგარიშსწორება

- 8.1 ანგარიშსწორება მიმწოდებელთან განხორციელდება ეტაპობრივად, ფაქტიურად გაწეული მომსახურების მიხედვით, მომსახურების გაწევის შემდეგ, მიმწოდებლის მიერ წარმოდგენილი ორმხრივად გაფორმებული მიღება-ჩაბარების აქტისა და საგადასახადო ანგარიშ-ფაქტურის საფუძველზე, მათი წარმოდგენიდან 10 (ათი) სამუშაო დღის განმავლობაში.
- 8.2 ანგარიშსწორება განხორციელდება უნაღდო ანგარიშსწორების ფორმით ლარებში.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ (ხელშემშლელ გარემოებებში არ ითვლება წვიმა, ქარი, თოვლი და ა.შ.) გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა

11.1 შემსყიდველი უფლებამოსილია ამ ხელშეკრულებით გათვალისწინებული მომსახურების მიწოდების ვადის გადაცილების შემთხვევაში დააკისროს მიმწოდებელს პირგასამტეხელო ყოველ ვადაგადაცილებულ დღეზე შეუსრულებელი ვალდებულების ღირებულების 0.1 პროცენტის ოდენობით. (ვადაგადაცილებული დღეების რაოდენობაში არ ჩაითვლება იმ დღეების რაოდენობა, რომელიც დაჭირდება კონტროლის განმახორციელებელი ჯგუფის წევრების მიერ დასკვნის მომზადებას).

11.2 შემსყიდველი უფლებამოსილია მიმწოდებლის მიერ ამ ხელშეკრულებით გათვალისწინებული პირობ(ებ)ის არაჯეროვანი შესრულებისათვის, ყოველ კონკრეტულ ფაქტზე დააკისროს მიმწოდებელს პირგასამტეხელო ხელშეკრულების საერთო ღირებულების 0.5 პროცენტის ოდენობით. ამ პუნქტის მოქმედების დროს გამოირიცხება 11.1 პუნქტის მოქმედება.

11.3 იმ შემთხვევაში თუ ხელშეკრულების 11.1 პუნქტით გათვალისწინებული პირგასამტეხელო რაოდენობა მიაღწევს მთლიანი სახელშეკრულებო ღირებულების 1 (ერთი) პროცენტს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ანთავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

11.4 ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება ეკისრება მიმწოდებელს იმ შემთხვევაშიც, თუ ზიანი მიაღწა მესამე პირებს და ეს შედეგი არ დადგებოდა ვალდებულება ჯეროვნად, რომ შესრულებულიყო.

11.5 მხარეები თავისუფლდებიან პასუხისმგებლობისაგან:

11.5.1 თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად;

11.5.2 ის მხარე, რომელიც ხელშეკრულების 11.5.1 პუნქტით გათვალისწინებულ შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 (ხუთი) სამუშაო დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს;

11.5.3 ხელშეკრულების 11.5.2 პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადაზე შეწყვიტონ ხელშეკრულება.

11.6 მიმწოდებლის ინიციატივით ხელშეკრულების შეწყვეტის შემთხვევაში, ხელშეკრულების შეწყვეტამდე მიმწოდებელი ვალდებულია ვადაგადაცილებული დღეებისათვის და ხელშეკრულების პირობების არაჯეროვნად შესრულებისათვის (ასეთის არსებობის შემთხვევაში) მასზე დაკისრებული პირგასამტეხელო(ები) გარდა გადაუხადოს შემსყიდველს ხელშეკრულების შეწყვეტისათვის პირგასამტეხელო ხელშეკრულების საერთო ღირებულების 5 (ხუთი) პროცენტის ოდენობით.

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადაში არ შეუძლია განახორციელოს მთლიანი მომსახურება ან მისი ნაწილი;

12.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2 მიმწოდებლის გაკოტრების შემთხვევაში;

12.3.3 წინამდებარე ხელშეკრულების მე-11 მუხლის 11.3 პუნქტის დადგომის შემთხვევაში;

12.3.4 საქართველოს კანონმდებლობით გათვალისწინებულ სხვა შემთხვევაში.

13. ხელშეკრულების შესრულების კონტროლი

13.1 შემსყიდველს უფლება აქვს მიმწოდებლის მიერ მომსახურების განხორციელებისას, განახორციელოს კონტროლი. კონტროლს ახორციელებენ შემსყიდველის წარმომადგენლები: სსიპ ეროვნული სატყეო სააგენტოს კახეთის სატყეო სამსახურის უფროსი მეტყევე და ამავე სამსახურის თელავი-ახმეტის სატყეო უბნის უფროსი (შემდგომში „კონტროლის განმახორციელებელი ჯგუფი“).

13.2 კონტროლის განმახორციელებელი ჯგუფის ფუნქციებია:

13.2.1 გაუწიოს კონტროლი მომსახურების განხორციელების ვადების ხელშეკრულების მოთხოვნებთან შესაბამისობის დადგენას.

13.2.2 დაადგინოს შესაბამეობა, თუ არა განხორციელებული მომსახურება ხელშეკრულებით გათვალისწინებულ პირობებს და/ან მოთხოვნებს. (მ.შ. – ვალდებულებებს).

13.2.3 უზრუნველყოს განხორციელებული მომსახურების მიღება.

13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

13.4 გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. ფორს-მაჟორი

14.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

14.2 ფორს-მაჟორული გარემოებების დადგომის შემთხვევაში ხელშეკრულების დამდგმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დაეა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დაეის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

16. ხელშეკრულების მოქმედების ვადა

16.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2018 წლის 31 დეკემბრის ჩათვლით.

16.2 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მონაწილე მხარეებთან.

„შემსყიდველი“

„მიმწოდებელი“


ირაკლი გოგიძე
სააგენტოს უფროსის მოადგილე


გიორგი გოგიძე
შ.პ.ს. „ეაზბეგი-ფშაველი“-ს დირექტორი

ტექნიკური დავალება

1. შესყიდვის ობიექტია - კახეთის რეგიონში, სავარაუდოდ (საორიენტაციოდ) 289,78 მ² ფოთლოვანი სახეობის ხე-ტყის/მერქნული რესურსის (წიფელი) დამზადების მომსახურების გაწევა (იხ. 1.3 პუნქტი).

1.1 ხე-ტყის დამზადება უნდა განხორციელდეს კახეთის სატყეო სამსახურის თელავი-ახმეტის სატყეო უბანში, ფშავლის სატყეოში, 34-ე კვარტლის 1-ელ ლიტერში. (ტყეკავის №009-10-0023501).

1.2 ტყეკავში მისასვლელი სატყეო სამეურნეო გზა გაყვანილია, საშუალო მანძილი ტყეკავიდან დამზადებული ხე-ტყის დასაწოების ადგილამდე არის დაახლოებით 11-12 კმ (თელავი-ახმეტის სატყეო უბნის ფშავლის სატყეოს კვ.96-ის ლიტერ №8-ის მიმდებარედ).

1.3 გასაწევი მომსახურების აღწერა:

1.3.1 ზეზემდგომი ხის ჭრა: სამუშაო ადგილის მომზადება (ხის ირგვლივ ადგილის გასუფთავება ქვეტყისგან, ამონაყრების, ეკალ-ბარდების და ბუნებრივი ნაყრისგან). ხის ჭრა და განსაზღვრული მიმართულებით წაქცევა;

1.3.2 მაქსიმალურად 5 ან 6 მეტრის სიგრძის მრგვალი ხე-ტყის მორის მიღების მიზნით შოლტების დამორვა ბენზოხერხით: ძირზე დარჩენილი ღეროს ნაწილის მოჭრა-შესწორება, შოლტზე გადასატრეული ადგილის მონიშვნა და მოჭრა;

1.3.3 შოლტების თრევა ტრაქტორით ტყეკავზე;

1.3.4 ხე-ტყის დახარისხება და დაშტაბელება ზედა საწოებში, რაც მოიცავს შოლტის მიგორებას, დახარისხებას სიგრძის და ხარისხის მიხედვით, გადაჭრას სატრანსპორტო საშუალებებზე დასატვირთად, გადაჭრილი მორების ხელმეორედ დახარისხებას სიგრძისა და ხარისხის მიხედვით;

1.3.5 ხე-ტყის დატვირთვა ტრანსპორტზე, ტრანსპორტირება ხე-ტყის საბოლოო დასაწოების ადგილამდე და გადმოტვირთვა;

1.3.6 მიმწოდებელმა მოჭრილი-დამზადებული მერქნული რესურსი უნდა დაასაწოოს სააგენტოს ან ხელშეკრულების ფარგლებში შექმნილი ხელშეკრულების პირობების შესრულებაზე კონტროლის განმახორციელებელი ჯგუფის მიერ მითითებულ ადგილას;

1.3.7 მიმწოდებელმა მოჭრილი-დამზადებული მერქნული რესურსი, ხე-ტყის საბოლოო დასაწოების ადგილზე ხელშეკრულების პირობების შესრულებაზე კონტროლის განმახორციელებელი ჯგუფის მითითების მიხედვით დაალაგოს შტაბელბათ.

1.4 მომსახურების გაწევისას მიმწოდებელი ვალდებულია:

1.4.1 ტყეკავზე ხე-ტყის დამზადების შედეგად მიღებული ნარჩენები განათავსოს მოქმედი კანონმდებლობის შესაბამისად;

1.4.2 მომსახურების გაწევის პერიოდში საჭიროების შემთხვევაში სააგენტოსთან ან/და სააგენტოს ტერიტორიულ ორგანოსთან შეთანხმებით უნდა უზრუნველყოს გამოსაყენებელი სატყეო სამეურნეო გზების რეაბილიტაცია;

1.4.3 მომსახურების გაწევისას დაიცვას საქართველოს კანონმდებლობით (მ.შ. უსაფრთხოების ნორმები) დადგენილი მოთხოვნები;

1.4.4 მოჭრას და დაამზადოს მხოლოდ სსიპ ეროვნული სატყეო სააგენტოს მიერ ჭრაში დანიშნული ხეები.

1.5 მომსახურება (ხე-ტყის დამზადება) და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება სრულად უნდა განხორციელდეს ხელშეკრულების გაფორმებიდან 2017 წლის 01 დეკემბრამდე.

„შესყიდველი“

„მიმწოდებელი“

ირაკლი გოდუაძე

სააგენტოს უფროსის მოადგილე

ვიქტორ დვალა

შ.პ.ს. „ყაზბეგი-ფშაველი“-ს დირექტორი